



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԱՐՄԱՎԻՐԻ ՄԱՐԶՊԵՏ

<< 12 >> << Մայիս 5 >> 2019թ.

N 177/369-2019

**Որոնողափրկարարական և անհետաձգելի վթարավերականգնողական
աշխատանքների իրականացման, բնակչության կենսագործունեության կազմակերպման
մասին**

Աղետի գոտու համայնքներում որոնողափրկարարական և վթարավերականգնողական, կործանիչ ալիքի հետևանքների վերացման աշխատանքների կազմակերպման, տարահանված բնակչության կենսաապահովման կազմակերպման նպատակով՝

որոշում եմ.

Առաջարկել՝

1. Արմավիրի մարզային փրկարարական վարչությանը՝
 - 1.1. Աղետի գոտում կազմավորել երկու աշխատանքային խմբեր՝ էջմիածին քաղաքում և Փարաքար համայնքում: Դրանցում ընդգրկել մարզային և տարածաշրջանային կոմունալ-կենցաղային, կոմունալ-էներգետիկ համակարգի կազմակերպությունների, բժշկական հիմնարկների, ոստիկանության բաժինների, շինարարական և ճանապարհաշինական կազմակերպություններին:
 - 1.2. Ապահովել ներգրավվող մարմինների հետ համագործակցության իրականացումը՝ բնակչության պաշտպանության միջոցառումների կազմակերպման և կատարման համար:
 - 1.3. Կազմակերպել հակահրդեհային անվտանգության ապահովումը:
2. Աղետի գոտու համայնքների ղեկավարներին՝
 - 2.1. Իրականացնել միջոցառումներ համայնքային ենթակայության օբյեկտների անվտանգ աշխատանքն ապահովելու նպատակով,
 - 2.2. Կազմակերպել համայնքի տուժած բնակչությանը ժամանակավոր կացարաններով և առաջին անհրաժեշտության միջոցներով ապահովումը, անհրաժեշտության դեպքում իրականացնել տուժած բնակչության, գյուղատնտեսական կենդանիների, նյութական և մշակութային արժեքների տարահանում:
 - 2.3. Կազմակերպել համայնքի ուժերի՝ մասնակցության ապահովումը փրկարարական աշխատանքներին:
 - 2.4. Իրականացնել մահացածների հուղարկավորությունը:

3. Արմավիրի ոստիկանության մարզային վարչությանը՝ իրականացնել:

3.1. Բնակչության տարահանման հավաքակայաններում և տեղաբաշխման վայրերում, փրկարարական ուժերի և միջոցների շարժման երթուղիներում հասարակական կարգի պահպանության կազմակերպումն ու ապահովումը:

3.2. Պետական սեփականության, բնակչության ունեցվածքի պահպանության կազմակերպումը և իրականացումը:

3.3. Աղետի գոտում անցագրային ռեժիմի և պարետային ծառայության կազմակերպումն ու իրականացումը:

3.4. Հայաստանի Հանրապետության ռազմավարական նշանակություն ունեցող և կենսաապահովման կարևորագույն օբյեկտների պահպանության ուժեղացումը:

3.5. Ճանապարհային երթևեկության անվտանգության ապահովումը:

3.6. Աղետի հետևանքների վերացման գործում ներգրավված ուժերի և տարահանման անխա-փան երթևեկության ապահովումը:

3.7. Փրկարարական աշխատանքներին մասնակցության ապահովումը:

3.8. Աջակցություն մահացածների հաշվառմանը:

4. Մարզպետարանի առողջապահության և սոցիալական ապահովության վարչությանը՝

4.1. Տուժած բնակչությանը և հիվանդներին ժամանակին անհրաժեշտ բժշկական օգնության ցուցաբերումը, նրանց տարահանումը բժշկական հաստատություններ և հետագա բուժման կազմակերպումը:

4.2. Երկրաշարժից տուժած տարածքներում սանիտարահամաճարակաբանական միջոցա-ռումների իրականացումը:

4.3. Բնակչության զանգվածային պատվաստման համար նախապատրաստական աշխատանքների իրականացումը:

4.4. Կազմավորումների և բուժհիմնարկների՝ անհրաժեշտ բժշկական գույքով և դեղորայքով ապահովումը:

4.5. Տարահանման բժշկական ապահովումը:

4.6. Մասնակցությունը տարահանված բնակչության կենսաապահովման աշխատանքներին:

5. Մարզի կոմունալ- տեխնիկական ծառայությանը, կոմունալ- էներգետիկ համակարգի կազմակերպություններին՝

5.1. Տուժած տարածքների գազամատակարարման, էներգոմատակարարման վերականգնումը, աշխատանքային տեղամասերում, առանձին հատվածներում դրանց դադարեցումը կամ վերաթողարկումը:

5.2. Ջրային ռեսուրսների և համակարգերի պաշտպանական միջոցառումների իրականացման ապահովումը:

5.3. Պետական կառավարման և տեղական ինքնակառավարման մարմինների հետ համատեղ բնակչության և կազմավորումների անձնակազմի՝ ջրով ապահովումը:

5.4. Մասնակցությունը տարահանված բնակչության կենսաապահովման գործին:

6. Սույն որոշումն ուժի մեջ է մնում արձակման պահից:

**Հայաստանի Հանրապետության
Արմավիրի մարզպետ՝**

Հ. ՄԱԹԵՎՈՍՅԱՆ

Invalid signature

